

ВЛАХОВІСТНИК

ЛУХОВНА ГАЗЕТА ДЛЯ ПОДКАРПАТСКИХ РУСИНОВ

Выходитъ два раза въ мѣсяцъ
каждого 1-го и 15-го.

АДРЕС:
редакціи и експедиції:
REDAKCIJA „VLAHOVISTNIK“
Užhorod, Kapitulska, 3.

ПРЕДПЛАТА:
на рок 12.— К
одно число — 60 К
За границу 20 .. К
До Америки..... 1 Д.

ОБЯВЛЕНИЯ
принимаются по дѣнъ
за 1 сторону .. 100 К
за 1/2 сторону .. 50 К
за 1/4 сторону .. 25 К

Роздоръ правосл.-каѳол. вѣры*).

Минулася война
и великъ страхъ,
Но по войнѣ народъ
стався цѣле лихій.

Въ Подкарпатской Руси
народъ розвратився,
Вѣру свою змѣнивъ
до шизмы ъмився.

Прійшли демагоги
его розвращати,
Кажуть: иншу вѣру
треба вамъ держати.

Тамъ е стара вѣра
шизматицка давна,
Мы вамъ ю вручаемъ:
она православна.

А священниками
вы самъ будете,
Чому ся въ Буштинѣ
скоро научите.

Поповъ съ бородами
треба вамъ уж мати
Котримъ не треба вамъ
ничого платити.

Бо и Апостолы
волося носили,
И бороды свои
нигда не брѣтвали.

Обманеный народъ
не знае что творить,
Думае, что вѣра,
въ волосю стоить.

Незнаютъ что Юда
власы й браду носивъ
А зато онъ Христа
Жидамъ на смерть зра-
дивъ

Не знаютъ что вѣра
въ добрыхъ сердцахъ
Котра чоловѣка [живе
до Бога приведе.

Сердцемъ добрыхъ людей
Богъ не уничтожить
А не вѣрныхъ людей
колись зле погубить.

Добросерднѣ люде
своихъ ближнихъ любятъ
И никому никогда
пакости не творять.

Добросерднѣ люде
вѣру свою хранять,
А розвратнѣ люде
вѣру шизмой мѣнятъ.

Кто вѣру оставилъ
во томъ душа змѣнна,
Той не любить другихъ
въ томъ живе неправда.

Сторона 150.

„БЛАГОВѢСТИК“

Рок 1923.

Такъ ближнимъ своимъ
пакости дѣлаютъ,
Крадутъ, біютъ, палятъ,
бо вѣры не мають.

Кто зъ сердца нелюбитъ
ближняго своего,
Якъ може любити
Бога небесного.

Такій въ вѣрѣ своей
со всѣмъ розвратився,
Отступивъ отъ вѣры
ї шизматикъ явився.

Так-то шизматики
розвратно дѣлаютъ,
Апостолскій престолъ
въ Римѣ, проклинаютъ.

Православну вѣру
нашу унижаютъ,
Бо каѳолической
вѣры не признаютъ.

А Христосъ сказавъ такъ
апостолу Петру:
Я на тобѣ цѣрковь
на вѣки утверджу.

Котру и самый ад
не преодолѣе,
Анѣ сила враговъ
ю не переможе.

И такъ Апостолъ Петръ
первый отецъ римскій,
Стався патріархомъ
головнымъ, вселенскимъ.

Святый апостолъ Петръ
на крестѣ пострадавъ,
Но первенство церкви
Клементу передавъ.

Такъ отъ того времія,
патріархи римскѣ,
Управляютъ церковь,
они суть вселенскѣ.

Коли святѣ Отцы
соборы держали,
Тогда папы римскѣ
тамъ присутствовали.

Они въ папѣ римскомъ
первого пастыря
Церкви узнавали,
Як святого Петра.

Вѣра православна
и каѳолическая,
За тысячи-сорокъ-лѣтъ
въ единствѣ пребыла.

И всѣ патріархи
со римским престоломъ
Въ согласіи жили,
съ верховнымъ пастыр-
їйомъ.

Знающе что Христосъ
нерва глава Церкви,
За видиму главу
сей, Петра постави.

Многѣ папы римскѣ
мученики были,
Которыхъ востокъ, западъ
за святыхъ узнали.

Кириль и Меѳодій
апостолы нашѣ,
Чрезъ папу римского
до славянъ посланѣ.

Чтобъ вѣру Христову
тамъ проповѣдали,
И на путь праведный
Людей наставляли.

Рок 1923.

„БЛАГОВѢСТНИК“

Сторона 151.

Отъ вѣковъ апостоль
една вѣра была,
Но на два обряды
церкva ся дѣлила.

На востоцѣ обрядъ
греческій заведенъ,
На западѣ въ Римѣ
латинскій одобренъ.

Еднѣ по гречески
Бога умоляли,
Другѣ же латинскимъ
словомъ то дѣлали.

Такъ дѣлаютъ ѹ нынѣ
вѣрнѣ христіяне,
Богъ же всѣхъ народовъ
мольбу услышае.

Докля востокъ ѹ западъ,
папу честовали
Дотоль христіяни
крѣпко ся держали.

Но разъ то сталося
въ Константинополѣ,
Где патріархъ Фотій,
прогласивъ въ соборѣ.

„Я емъ патріарха
могучій вселенскій,
А не той во Римѣ,
что е папа римскій“.

И бючися въ груди
гордо въ церкви сказавъ:
„Я роздѣлю церковь“,
такъ отъ Рима отставъ.

Отъ тогды во людяхъ
ненависть настала,
Любовь христіянска
въ ихъ сердцахъ застыла.

Люди сваряются
въ вѣрѣ роспры творятъ,
Не знаютъ что едно
Божество, всѣ молятъ.

Христосъ не двѣ вѣры
Но одну утвердивъ,
И на семъ камени
Церковь свою зложивъ.

И кто отъ сей церкви
ї вѣры отлучится,
Якъ измѣнникъ вѣры,
шизматикъ явится.

Апостола Петра
престолъ бывъ во Римѣ,
Где его началство,
тревае до нынѣ.

А кто отвернется
отъ престола сего,
Той прогнѣвить на ся
Бога небесного.

А кто ся къ Петрову
престолу прилучить,
Тотъ оставитъ роздоръ,
ї унію получить.

Зато нашѣ дѣды
Унію приняли,
Чтобы ся съ престоломъ
Петра съединили.

Мы соединеннѣ
къ Петрову престолу,
Жійме въ согласіи
и послужъмъ Богу.

Такъ будеме въ вѣрѣ
Усѣ православнѣ,
Будемъ жити въ любви,
якъ и отцы давнѣ.

Не будемъ другъ друга
Гнѣвити и кляти,
Но со любовю
Будемъ спомагати.

Церковь православну
и каѳолическу,
Будемъ уважати
й власть священническу.

Тогда Христосъ Господь
всѣмъ возрадуеся,
Якъ нашъ народъ руській
добримъ из'явится.

Такъ треба намъ жити,
въ Подкарпатской Руси
Чтоб-ся не смѣяли,
Изъ христіянъ враги.

Аминь ! най такъ буде,
люде помирѣтсѧ,
Своей давной вѣры
во вѣкъ не лишѣтсѧ.



Непорочное Зачатіе Пресв. Дѣви Марії.

Восточно-шизматицка вѣра меже прочими отрицає и то, что Пр. Дѣва Марія была сохранена от первородного грѣха. Знов оден догмат, через котрый правосл. каѳол. вѣра прославляє Богоматерь, а шизматики отберуть от неї сесу славу твердячи, что Богородица правъ так грѣшною родилася не сей свѣт, як мы грѣшнѣ люде. Мы маеме и в сем дѣлѣ ясно видѣти и попозерати, на котрой сторонѣ стоить правда.

1. В чом состоить Непорочное Зачатіе Пресв. Дѣви Марії ?

В том, что она из особеної ласки Божої сохранена была от первородного грѣха от времени своего зачатія ; т. е. душа Пр. Д. Маріи в первом моментѣ своего существованія по-

лучила ту ту благодать, котру другъ люде получають лишь при ев. крещени. Сie преимущество Еѣ называеме: *непорочным зачатіем*.

Сія привилегія дѣйстно приходити мала Пр. Д. Марії, бо иншак предполагатися має, что сын Божій мог родитися от жены, котра была причастна грѣху, находилася под проклятием Божіим и была рабынею діявола.

Догмат перорочного зачатія опирається на слова Бога в Протоевангелії: *И краждв положв между тесю и между женою и между скменемъ твоимъ и между скменемъ ея, оно сотретъ ткою главв.* (Быт. 3, 15) По толкованію св. отцов под именем „жены“ розум'ється Пр. Д. Марія; а сотреніе головы діявола значить отклупеніе рода человѣческого от первородного грѣха. Слѣдовательно вражда между Маріею и діяволом прежде свого мала состояти в том, что П. Д. М. и за минуту не была в рабствѣ діявола и за найкоротшій час не была осквернена грѣхом первородным и лишена Божіей благодати.

Церков восточна уже от давна празднує праздник „Зачатіе Анны“ 9-го децембря, в пѣснях котрого праздника называє П. Д. Марію „единою непорочною“ и еѣ зачатіе „святымъ и преславным“; выраженія котрѣ указують на то, что восточной церкви ніяк не чужа вѣра в непорочном зачатіи П. Д. Маріи.

Даже и слѣды открытоѣ вѣры неп. зачатія найдеме и в самой несоединенной вост. церкви; в Українѣ в 17-18 вѣках профессоры Кіевскої дух. академіи навѣть клятвою обязалися защищати сie ученіе, а богословы общества, кружки основали на честь Неп. Зач. Пр. Богородицы. Непорочное Зачатіе в россійской церкви учили такѣ богословы, яко: *Лазар Баранович*, архіеп. черниговский, называемый „Столпом православія“, *Іоанникій Голятовскій* ректор и игумен Кіевского монастыря, *Дем. Ростовскій*, *Ѳеодозій Черниговскій* и т. д.; навѣть ученіе о непорочном зачатіи находится и у старообрядцев, котрѣ отлучилися от господствующоѣ россійскої церкви еще вѣка XVI-го.

В первом изданіи *Четыи Миней*, изданных Дем. Ростовским (в россійской церкви святый) також находится

ученіе о Н. З. Но в позднѣйших изданіях на розказ патріарха московскаго Іоакима было вычеркнуто. Но щи не перстъ то Божій, что у 20 роков сам престол московских патріархов быв *уничтожен* Петром Вел. и имя их вычеркнуто из исторіи?!

Коли праздник Н. З. в XI столѣтіи перейшов в западню церковь и вѣрники почали праздновати, дек отрѣ богословы стали противитися его заведенію; но коли сей праздник повсюду познатый и заведеный быв, и богословы достаточно указали, что се есть постоянна вѣра Хр. Церкви от начала,

Папа, Пій IX як верховный учитель вселенскої церкви в роцѣ 1854 оголосив, что ученіе о Неп. Зачатіи П. Д. Марії содержається в откровеніи Божіем, слѣдовательно всѣ христіяне вѣровати должны под карою отлученія от Церкви. Се не было заведеніе нового догмата, як шизматики кажуть, лиш торжественное оголошеніе истинны, христ. свѣтом вѣрованної. Если оголошеніе Непор. Зачатія в году 1854 было заведеніем нового догмата, тогды само так новый догмат быв в 431 роцѣ оголошеніе „Богоматерства“ Пр. Д. Марії ефезким вселенским собором.

ІЗ ІСТОРІЇ ЦЕРКВИ

Римскѣ папы в перших столѣтіях.

Як власть апостолов перейшла на епископов, само так перейшло и головное пастырство св. Петра на римских пап. Цѣла стародавна Церков так дивила ся на римского отца, як на головного пастыря Христового стада: всѣ христіяне уже в тих перших столѣтіях знали, что той римскій епископ не только в Римѣ, и в Римской епархіи має власть управляти христіянами, но на цѣлом свѣтѣ, где лиш христіяне жіютъ. Исторія церковна має доста доказов на то, что вѣрники, священники и епископы так восточнѣ, як и западнѣ в всѣх важнѣйших справах обернулися до римского престола и рѣшенія римских пап с повним вдоволеніем приняліи, знаячи, что в особѣ римского папы св. Петро, видима голова церкви говорить к ним.

В I столѣтію, г. 95 в Коринѣ повстав якій бунт против наставников тамошної церкви. *Не далеко* от них в Ефесѣ жив еще св. апостол Іоан. Однакож коринеяне для уладженія споров не до Ефеса, до св. Іоанна пошли, но отправили ся в *далекій* Рим, где уже св. Петр 28 роков что умер, а на папском престолѣ третій его наслѣдник, Клемент сидѣв.

А Клемент что казав послам? Ци казав им то, что: Менѣ до вашего дѣла нич, бо вы не моѣ вѣрники, я маю своих в Римѣ, а вы идѣть до своего епископа, або до св. Іоанна, до Ефеса? Нѣт! Противно! Написав лист до коринеянскої Церкви, в котором *строго* приказуе им, чтобы вѣрники повиновали ся своим наставникам, бо' если нѣт, он *выключить их из Христової Церкви*.

А коринеяне что казали на сie строгое посланіе папы? Ци казали; что тобѣ до нашего дѣла, что ся мѣшаеш в дѣла однѹ далеко, восточної церкви? Нѣт! Противно: с такою почестію приняли посланіе Климента папы римского, что еще довго на службѣ Божїй по Апостолѣ публично читали все одно зачало из посланія св. Климента папы римского! Ци не сильный се доказ тоѣ правды, что той римскій папа вже в тих ста-родавных вѣках христіянских тым быв, чим е и днесь в XX столѣтію т. е. верховнымъ пастырем Христіянскої Церкви, кому подчиненѣ суть всѣ вѣрники Христа?!

В II-ом столѣтію окрем дуже важных признаній св. Отцов оден историчный факт без сомнѣву свѣдчить верховну власть римских пап. Азійскѣ церкви отмѣнно от европейских с жидами виедно праздновали Пасху (Великденъ). Грецкѣ епископы хотячи однообразіе завести в цѣлой церкви, обернулися з сею справою к папѣ Виктору. Сей справу рѣшив так, что приказав Пасху в недѣлю и окреме от жидов святковати и азійских епископов, котрѣ не хотѣли ся ему повиновати погрозив выключеніем из Христової Церкви. И никто из епископов не смѣв перечити его сie право; видко, что всѣ признали, что римскій епископ має право и в далеких азійских церквях розпоряджовати.

В III-ом столѣтію папы осуждають не только тѣ ереси, котрѣ появилися в римской епархї, но и тѣ, котрѣ повстали в сторонах от Рима дуже далеко лежачих. Так папа Стефан (257—260) осуждає звичай африканскої Церкви перекрещати еретиков; папа Зефирин (203—220) отлучає от Церкви еретиков, монта-


нистов; папа Діонисій (261—272) воззыває на оправданіе Діонісія александрийского архієпископа и т. д. Всѣ ереси перших трех столѣтій были осужденъ римским престолом!

Изъ дальшихъ столѣтій уже только доказов маєме для первенства римского епископа, что лишъ визнатнѣйшихъ можемъ спомянуть. Такъ:

Св. Іоан Золотоустий зарав по его выборѣ повѣдомляє о том Римскій престол, с которым аж до смерти в частом сообщенію быв. Св Келестин (422—432) папа римскій выключає изъ церкви самого константинопольского патриарха, Несторія про ересь и се всѣ восточнѣ епископы приняли безъ жадного замѣчанія; сам Несторій несмѣв отрицати право вылученія изъ Церкви, уживаемое римским престолом.

Іннокеній I папа римскій выключає грецкого императора Аркадія и его жену Евдокію изъ Церкви, хотя они належали до епископа константинопольского, за кривду зроблену св. Іоаннови Золотоустому.

Всѣ сесѣ историчнѣ факты явно доказують то, что хотя св. Петро верховный апостол умер, но его власть жіє въ его наслѣдникахъ, римскихъ папахъ. И если першѣ христіяне, котрѣ еще чули проповѣди апостолов, котрѣ еще были свѣдками ихъ чудес и ихъ мученическої смерти, изъ всѣхъ сторонъ свѣта такъ позерали на римского отца, якъ на наслѣдника св. Петра и верховного пастыря стада Христового, чому бы намъ не свободно само такъ вѣровати? Отступити отъ римского отца только значить, якъ отступити отъ св. Отцовъ, отъ вселенскихъ соборовъ, отъ выразного приказа Іисуса Христа, словомъ — отъ правдивого христіянства. (б)



Ружи Ватиканскѣ.

Написавъ: Ю. С. богословъ.

Во лѣтѣ 1853-го года разъ дуже рано папа Пій IX. свою прогулку кончивъ во загородахъ Ватиканскихъ. Коли пришовъ ко листоватымъ деревамъ, стрѣгився съ еднымъ маленьkimъ хлопчикомъ, у которого ручки маленькѣ повнѣ были цвѣточками

Рок 1928.

„ВЛАГОВѢСНИК“

Сторона 157.

прекрасными, котръ вѣроятно во загородахъ папы набравъ. Коли увидѣвъ хлопчикъ Святого отца, сокровище свое, якъ чинъ могъ, скоро сковавъ и съ ганьбивыми очима и почервенѣлыми лицемъ стоявъ тамъ. Папа со улыбкою и любовію позвѣтихъ хлопчика:

Маленький, где ты назбиравъ сесѣ краснѣ цвѣточки?

Туй'ємъ назбиравъ во вашей загородѣ, Святый Отче.

Либо, чого'сь спрятавъ ихъ, коли'сь мене увидѣвъ?

Зигто, бо мамка моя, ото сказала, что не свободно ме-шъ до цвѣточокъ дотулитися.

Такъ, маленький, та ты не повиновався твоей милой мамцѣ. Сесе не сдѣлавъ добрѣ... но ци такъ, уже жалуешьшиу, что заслекавѣли ти очи. Най буде также отпущенено такъ по имени ей, якъ и во моемъ! Любивъ бы'сь видавъ еще больше цвѣточокъ пазберати?

Ой, якбымъ не любивъ Святый Отче! Такъ дуже люблю я կампії и леліи — сказавъ хлопчикъ, кто уже и забывъши рідости, что, ся перше случило.

Добре, милый хлопчику, я ти дозволю, чтобы'сь бравъ, либо позираї лишь на сесѣ краснѣ ружъ, не любивбы'сь ачей ши сихъ едину?

Вы дуже добре Святый Отче, я бы дуже любивъ сесю уціблу велику бѣлу ружу.

А за что хочешь правѣ сесю бѣлу ружу?

Мамка моя дуже честуе Папу, давбы'мъ ей, обы сохранила на память отъ Васъ, Святый Отче!

Якъ ти имя? — звѣдавъ папа и изхилився, чтобы то-ту крикну бѣлу ружу зорвавъ ему.

Ліонелло, — Святый Отче. —

Папа сице и другѣ вопросы давъ ему, на котръ по дѣтишки отвѣтивъ дѣтвакъ; и пошовъ поцѣловавъ и поблагословивъ го.

На сие наразъ поблѣднѣло лице Лионеллово и боязливо посмотрѣвъ на милого папу, гибы дачто еще желавъ.

Намѣстникъ Христовий, кто подобно ко своему Господу, унизився ко маленькимъ дѣточкамъ, скоро порозумѣвъ безсловесное прошеніе. „Хочешь еще дашто, мила дѣтinko?“

— Святый Отче, Вы мене поблагословили, хотя ограбивъ Вашу загороду — сказавъ хлопчикъ, — маленько помовчавъ, а потомъ якъ даякое внущеніе продовжавъ.

— Видавъ, и моего Отца поблагословилибы, Вы, хотя онъ противъ Васъ боровся?

— И его изъ сердца моего благословлю, хлопчику! —

— И онъ тогда не буде уже врагомъ вашимъ. Святый Отче, кедъ Вы его поблагословите, ци такъ?

— Прощаю ему, якъ каждому бунтовщику, сыну моему!

Ой, якъ ся буде радовати моя мамка!

— Та, иди, ко твоей доброй мамцѣ, Ліонелло, будь дуже добра дѣтина, повинуйся родителямъ твоимъ всегда, и не забудь никогда, ожь папа отцевскoe благословеніe давъ на тя.

Хлопчикъ прибѣгъ ко своей матери, а папа продовжавъ дале свою прогулку.

* * *

Потомъ многъ годы прошли. Уже мѣсяцъ новемберъ года 1867-го писали. Во Италіѣ великъ событія случили ся. Много легіоновъ нападали на центръ Церкви каѳолическої, на церковну державу, котрѣ легіоны составилися изъ разбойниковъ, изъ фраммасоновъ, изъ вольнодумцевъ, изъ либералистовъ, изъ революціонеровъ бунтовщиковъ. Но Римъ зато охороненъ бывъ чрезъ героизмъ папскихъ военскихъ отдѣловъ.

Послѣ нѣсколькихъ дній по битвѣ ментанской Пії IX. посѣтивъ едну шпѣтальню, где пораненѣ гарибалдисты лежали и ставъ коло постели едного пораненого молодого человѣка.

— И сесь есть еднымъ членомъ общества тайного, такъ званного : „Карбонари“, сказавъ тихо прислужникъ у больницѣ, и не принимае ниякого душевного утѣшенія, хотя уже не надовго умре.

— Нешастный молодый человѣкъ, застогнавъ Пії IX. и ближе ступивъ ко пораненному и як'го добре поникавъ, воскликнувъ :

— Ліонелло, сесь Ліонелло ! — — —

Молодый человѣкъ напудився, посмотрѣвъ горѣ и видно было, что дуже заганьбився.

— Сыне мой, уже не упознаешь мене ? Памятай лишь назадъ на бѣлу ружу, котру во загородѣ Ватиканской давъ я тебѣ, — но правда, ото уже доста давно было.

— Ой, не знаю забыти, всегда прийде ми на гадку — сказавъ умераючій гарибалдистъ и лице свое закрывъ руками ; який счастливый бывъ я тогды !

— Айно, а теперь терпишь, смутный и несчастный'есь, ци такъ ?

— Не маю туй на земли и одного доброго пріятеля ! —

— Но, не скажи ото, та я не емъ твоимъ добромъ пріятелемъ, твоемъ отцемъ?...

— Айбо,... я образивъ Вас Святый Отче, я боровся противъ Васъ и цѣлый мой животъ полный есть злобами и преступленіями.

— Сыне, Богъ отпустить единокаждому человѣку, котрый истинное покаяніе має во себѣ и я намѣстникъ Его туй на земли сердечно готовый простити. Ци такъ, Ліонелло, жалуешь, чтось сдѣлавъ ?

Сесѣ нѣжнѣ слова глубоко тронули сердце молодого члена общества „Карбонари“ ажъ до глубины души потрясли, а изъ

очей его лялися слезы. По короткомъ времени сякъ говоривъ ко Святому Отцу:

— Теперь разумѣю, что я плохо и неправильно сдѣлавъ; недобръ мои пріятелъ повели мя на плоху дорогу. Кобымъ еще могъ хоть осталюю цятку крови моеѣ проляти за Ваше святѣшество. Кобы бывъ я послѣдовавъ совѣты моеї мамки! —

— Где есть твоя мамка? Сыне!?

— Ай, еѣ нѣть уже больше! Якъ быбыло ей болѣло, кедъ быбыла еще достигнула, ожъ я за несправедливое дѣло умру, ожъ изъ такоѣ раны треба ми кровю изийти, котру я доставъ во битвѣ святотатства!

При сихъ словахъ мученіе совѣсти потрясло душу Ліонеллову. Изъ лица его уже отчаяніе можно было вычитати, якъ у того, кто уже и не понимае, ожъ акъ треба прощенія просити и получити. И во семъ угрызеніи его совѣсти лице его побѣдигѣло, руку свою наразъ положивъ на повязанну рану свою и изъ грудей его потоками лялася кровь ..

Тогда стрѣтилися его очи со поглядомъ Пія IX.-го, кто отцевымъ сожалѣніемъ позиравъ на него. На се подхватився хворый изъ постели и загойкавъ:

— Святый Отче, прощайте еще разъ Ліонелови! Папа прихилився ко больному, а около него стоящи выйшли. Послѣ короткоѣ бесѣди благословляще поднявъ руку намѣстникъ Іисуса Христа на умерающаго покаявшагося грѣшника.

У короткій часъ споминаючи имя благоѣ матери своеѣ и со призваніемъ Спасителя на помощь и на милосердіе — издавъ душу свою Ліонелло Богу Небесному..

ВСЯЧИНА

Что може зробити молитва доброй матери?

1903. року помер в Лондону кардинал архієпископ Вaugan, великий чоловѣк и святий епископ. Каѳолицка церков в Англії мусить много дяковати тому чоловѣкови. Як многѣ другѣ великѣ люде, так быв и Вaugan щасливый, же мав добру матерь. Была то справдѣ побожна жена. Она мала особливу побожность до Господа Іисуса Христа в Найсвятѣйшої Евхаристії. Перед Іисусом Христом перепроваджовала цѣлѣ години в горячої молитвѣ. — А о что просила панѣ Вaugan так часто и так го-

рячо? — Послухайте, христіянски матери! Она ничего так горячо не жадала, як то, чтобы всѣ ей дѣти — сынове и доњки — служили в духовном станѣ. А понеже добре знала, что покликанье на священство и монашество *е. особливїша ласка Божа*, то она хотѣла, чтобы ту ласку *выпросити своим дѣтям*. На то *намѣренie молилася 30 лѣт каждого дня по 1 годину перед Г. Іисусом Христом у Найсв. Евхаристії*. И Господь выслушав еѣ молитву. Всѣх пять еї доњок ступили до монастыря, а из 8 сынов шесть зостали священниками. З тих 6 сынов трох зостало епископами, двух архіепископами, а один кардинал. — Господи! Дай нам подобных матерей!

Лѣсовый пташок. (Легенда). Жив раз оден дуже побожный монах. В каждой свої працѣ прилѣжно прибѣгав ко Божій Матері с молитвою и пѣснями. У всяком случаю первѣ его и послѣднѣ слова были: „*Радуйся Marie, преблагословенна!*“

Было в него и одно потятко из лѣса. Лиш так прилѣтало 'д нему. А он 'го затворив в одну клѣтку. Учив и дозирав 'го. Потятко рано и в вечер так спѣвало, як то от монаха чуло: „*Радуйся Marie, преблагословенна!*“

Одного разу клѣточка несподѣвано розломилася. Розумне потятко вылетѣло вон. Як чулося свободным, начало спѣвати: „*Радуйся Marie, преблагословенна!*“

Монах побожный довго ходив за потятком. Поставив 'му клѣтку, щоби зась 'го ѣмити. Ale оно из дерева на дерево... все дале полетѣло... и непрестанно свою пѣснь спѣвало: „*Радуйся Marie, преблагословенна!*“

Потятко посред' густого стовпля (галузя) гнѣздочко собѣ приготовляло. А тогды нагле прилетѣв оден ястриб и ухватив потятко в свої нохтя. А потятко бѣдне и в май великой опасности лиш далѣе сг҃евало: „*Радуйся Marie, преблагословенна!*“

И на сіе из высоты чистого неба прилетѣла близкуча стрѣла та забила ястриба. И потятко зась свободно лѣтало и на славу Богородицы Дѣви еще май миленьким голосом спѣвало: „*Радуйся Marie, преблагословенна!*“

Монах стояв в загород' та со страхом и трепетом подивлявся, что буде. А потятко в другу хвильочку прилетѣло ко нему, свѣжое и здоровое. Сѣло монахови на руку. Уже далося ѣмити. Монах понес 'го до дому и положить в клѣтку и тепер с потятком разом спѣвають весело: „*Радуйся Marie, преблагословенна!*“

(K.)

Новости

Пан вицегубернатор в Тересвѣ. Дня 28-го апрѣля быв п. вицегубернатор в Тересвѣ (ж. Марам.). Привѣтствовала его велика толпа гр.-кає. вѣроисповѣданія народа из цѣлого округа. (Шизматики не выслали из жадного села нѣкого, може думали, що горьку правду треба буде им там чути). От имени народа говорив А. Хира, вульховскій гр.-кат. духовник и предложив п. вицегубернатору, что болить нашим истинно-православным гр.-кат. вѣрникам. „Печальное дѣло — казав — но так есть, что мы уже кровю нашою поливаем землю изза бунтаций батюшков! Сеся невинна кров возопіе до вас, чтобысте уже изробили порядок с религійною борьбою!“ П. вицегубернатор теплыми словами подяковав за привѣтствованіе. Выразив, что шизматики не мають права до маетков гр.-кат. церкви и осудив поступованіе шизматиков, выразивше слѣдующе: „они думают, что липп им е свобода вѣроисповѣданія, а другим уже нѣт!“

Маршал Фош. Маршал Фош приїхав до Праги. Вѣсть сеся буде нас христіанов интересовати за то, бо Фош е вѣрним каєоликом. Он быв почесным предсѣдателем всесвѣтового з'їзда Орла в Брнѣ, и понеже лично не мог быти на з'їздѣ заслав штатному предсѣдателю Орла министрови Шрамекови письмо пишучи: „Дуже радо зучаствив бы ся я на з'їздѣ Орла та жалую, что не можу быти присутним на той религійной и патріотичной манифестаціѣ“. Маршал Фош походить из округа Тарб. Е то округ города Лурда, где найпобожнѣйшій народ жіє в Франції. Народився р. 1851. Школы кончив у Іезуитов. Mae родного брата також Іезуита. Свой карріер начав в поліції р. 1870—71, потом быв министром войсковым и профессором войскової академії. Сперед свѣтовою воиною быв генералом-командантом города Нанси. У всесвѣтвої воїнѣ быв начителем на фландрійском фронтѣ. На многих мѣстах вюв своих полков на значнѣ побѣды. Быв також обороноцем города Вердун. В роцѣ 1918. быв іменованый генералиссимусом и побитцем коло Марне подписав перемиріе. Коли за се французскѣ шопшисти остро покритизовали его, одповѣв так: „Непріятель под-

писав всѣ нашѣ условія и так не мав я право больше жертвовати людське житя. Фош е дуже богобойним чоловѣком. Коли приходить где нибудь: перва его дорога веде до церкви. Так чинив и теперь, коли ступив на польску область; посѣтив церков в Ченстоховѣ, котра е будована на честь Пр. Богородицы.

Кто правду має — не дрожить! Из села Б. (ж. Марам). пойшла депутація до севлюшского жупана. Депутація состояла из 5-ох наших искренних ревных вѣрников, якѣ смѣло потребовали свої права. Но оден урядник жупаната допустився до того, что самих могучих, богатых людей осмѣлявся подозрѣвати и казати им: „Вы есте поднаятѣ от уніятских попов!“ Та грозив их, чтобы согласилися на сполучивання церкви своїй со шизматиками, бо у „шизматиков — казав — есть большинство!“ Тогда оден из между наших людей выступив и спокойно, благо, правдолюбиво и разумно зазвѣдався: „Пане! Нас теперь тут большинство! Ци можеме и мы Вас самого выкинути из канцелярії правом большинства?“

— **Выименованя Епархіаль-**
ное правительство выименовало
о. Александра Сабова из Дун-
ковици до Березника, о. Игнатія
Сиксая из Іѣлока до Дунковици
и о. Стефана Паппа из Келе-
чина до Іѣлока.

— **Упокоилися.** Белла Но-
вак доњка вдовы Алексія Но-
вака в Празѣ упокоилася. — Суп-
руга о. Гавріила Коссея духов-
ника в Страском (ж. Земпл.) дня
12-го мая по короткой хворотѣ
умерла. — О. Андрей Меллеш
коритнянскій сотрудник дня 17-го
мая по довгой хворотѣ упокоив-
ся в Господѣ. Молѣм ся за упо-
коеніе души их!

— **Папскій нунцій Микара**
выименований до Брюсела на
мѣсто Nicotry, кто иде до Ли-
сабона, а Лисабонскій нунцій
Socatelli именован буде карди-
налом. Отѣждаючій нунцій на-
щивив и нас русинов года 1922.

быв в Ужгородѣ и все живо ин-
тересовався положеніем Подк.
руської Церкви. Утратилис'ме в
нем одного щирого пріятеля на-
шої Церкви, но надѣеме ся, что
и в своей повой посадѣ с доб-
рою памятю буде думати на нас.

— **Умерла панѣ Массари-**
кова, супруга президента ре-
публики в недѣлю, 13-го мая.
Она была родом американка и
называла ся: Miss Charlie Gar-
rigue и повѣнчала ся с п. пре-
зидентом г. 1876. Была она дуже
працовита женщина, совѣстна
сповроботниця еѣ любимого му-
жа. Похороны отбыли ся 15-го
мая.

— **Др. Стоян архієпископ**
Оломуцкій тяжко похворѣв ся
и на жаль не е надѣє на его
выздоровленя. Лѣкарѣ постоянно
коло постели его стоять, но по-
мочи уже негоднѣ. Умираючій
архиєпископ повторительно про-

Год 1923.

„БЛАГОВѢСТИК“

Сторона 163.

ши присутніх священиков и
ієрархів о горячу молитву.

Новий Календарь в Росії. На церковном соборѣ „приносл. Российской Церкви“ в Москвѣ рѣшено, что вся „православіи“ Церков переиде на ужиншіи нового календаря. Сим выписано послѣдній аргумент из под ног шизматицкоѣ агитаціи: Ци не Божа рука, что „православіи посточна-российска Церковь привыла римскій календарь, и мы „Уніяты“ позостали при ужиншіи старого календаря. Но будущіость не знати! Не знати, что ци не будуть шизматики самъ против нас агитовати, что мы не хотеме пріяти новый календарь, что пріяла вже цѣла „приносліша“ Церков?! Якъ они хитрѣ, и се можеме на се бе чекати.

Ватюшки. Пишуть нам из Ужгорода! Коли почало ся на Монічонѣ (ж. Марм.) „православіе“, пишши шизматики одного москвити, ~~хозяка~~ из Врангелової армії. Як пустили его до церкви и кипрос Вечурню кончити, пишши книжку и из переду почав читати Вечурню. Як люде ушили, взяли от него книжку и сми откончили Богослуженіе. А сеє таєперь посвященій опіюши и в Силдобонгъ попуе! Но та гаїх они мають „ученых“ попов! А сице „казак“ хвалить си, что прийде и до нас церков перестановити!

„Православна“ агітація. В Ужгородѣ (ж. Марм.) Юриши Михайл, секретар поземко-го уряду брав на себе смутну надічу мене нашими вѣрниками

розшириовать фотіянську шизматицку вѣру. Удало ся ему дѣло довести до того, что в дотеперьшном спокойном селѣ мужи, жони, дѣти в постоянных звадах, лайках и битвах живуть. От спасительнѣ плоды православія!

— Новий легат постол- ского престола: Mogre *Martaggi* бывшій Букарештскій нунцій уже выименованный до Праги.

— Телефон и схизма. Перед нѣсколько дніями одна гр. кає. депутація появила ся в Школьном отдѣлѣ и запро тестовали против розпорядженія Шк. Отдѣла выданного в дѣлѣ переходу на шизм. вѣру. В Шк. Отдѣлѣ такій отвѣт достали, что такого розпорядженія они не выдали и помилка походить от того, что жупаны не порозумѣли добрѣ телефоничное розпорядженіе Шк. Отдѣла. Мы не береме до вѣдома сесю выгварку. Подумайте лиш панове в Шк. Отдѣлѣ сколько горькости, сколько школи поробила и роботи буде сеся „мала“ помилка меже нашим народом. Братска ненависть, битки, процессы, лицитаціи, убийства, подпаленя и т. д. и все сіе про одну малу, телефоничну помилку“!

— Засуд против шизматицких насильників из Великих Лучок. Дня 5-го фебруара 1921 року в Великих Лучках згорну-

лася цѣла товпа шизматикôв, чтобы вымусити од о. духовного Михайла Бачинского, ключ од греко-кат. церкви. — Люде вдерлися до фары, навѣть и до приватноѣ комнаты о духовного и пôд загрозою та криком зачали жадати церковныхъ ключôв. — Деяки бунтовщики подняли пястуки до воздуху, грозячи о духовному: „дай ключи, або вон з фары“. — Нападеный священник одмовив жаданю насильникôв и чтобы выстеригатися дальшихъ непріемностой, подався до одноѣ бôчноѣ комнаты, но товпа тиснулася за ным навѣть и до третьоѣ свѣтлицы, зоставши тамъ чось 3 годины. Меж тым прійшов на фару и куратор Федак. Люде напали на нього, деяки пустили ся до битки, так что куратор потерпѣв и скалѣченье тѣла. На донос церковноѣ власти

державна прокураторія внесла обжалобу супротив головныхъ бунтовщикôв за для публичного насильства, тому, что залишеня староѣ вѣры пôслія закона не дає права никому насильнымъ способомъ привласнювати собѣ якоенибудь церковное майно. Яко головнѣ виновники: Петро Сідун, Михайло Стеблак, Иван Глагола, Иван Балог, перед судовою столицею в Берегасѣ извинялися пянствомъ, но правдивостъ отсей обороны не доказалася. Першій суд засудив обжалованыхъ на 2 мѣсяци арешту. Слѣдствомъ апелляції державного прокуратора судова табула в Кошицахъ иа головной розправѣ, что до вины потвердила першосудовий розсуд, а что до кары змѣнила його, знизивши кару обжалованихъ на один мѣсяцъ арешту, а кромѣ сего повинѣ и звернути всѣ кошты карного поступованя.

Короткѣ вѣсти. В всѣхъ польскихъ каѳолическихъ церквахъ отправляли св. службу за упокоеніе души большевиками убитого прелата Будькевича. — Дня 10-го мая оголосили блаженными малу Лизіев Тerezію, Мих. Гарикои духовника и Роберт Беллармина. — Не есть правою сообщенія новинокъ, якбы румунское правительство запретило дѣятельность хр. каѳ. конгрегацій. Румунское правительство не пустить ся в борьбу с могучою каѳол. Церковю. — Рим не одобрив проект министра Шрамека о розлученії Церкви от державы. — Найближшій межинародный евхаристичный конгресе буде года 1924, в Амстердамѣ. — В первыхъ дняхъ авгуаста знов скликаный буде до Велеграду конгрес для поговореня способовъ взглядомъ соединенія восточної Церкви. — Делегата большевицкоѣ Россіи на Лоузанской конференціи, Воровскаго из помсти трьома выстрѣлами забили. — В Виднѣ умер проф. богословія Андр. Свобода, кто выкладав на университетѣ пастырское богословіе.

РЕДАКТОР-ИЗДАТЕЛЬ :
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР :
ЕМИЛІЯН БОКШАЙ.

ТИПОГРАФІЯ АКЦІОНЕРНОГО ТОВАРИСТВА „УНІО“ В УЖГОРОДѢ.